

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak
o odbacivanju Prijave koncentracije privrednog subjekta „PROINTER ITSS“ d.o.o. Banja luka

Sarajevo
april, 2020. godine



Broj: UP – 03-26-1-011-5/20
Sarajevo, 23.04.2020. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi sa članom 14. stav (1) Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta „Prointer ITSS“ d.o.o. Banja Luka, Vuka Karadžića 2, 78000 Banja Luka, zaprimljenoj dana 04.03.2020. godine pod brojem: UP- 03-26-1-011-1/20, na 68. (šezdesetosmoj) sjednici održanoj dana 23.04.2020. godine, donijelo je

Z A K L J U Č A K

1. Odbacuje se Prijava koncentracije privrednog subjekta „Prointer ITSS“ d.o.o. Banja Luka, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Obavezuje se privredni subjekt „Prointer ITSS“ d.o.o. Banja Luka da uplati administrativnu taksu u iznosu od 1.000,00 KM (hiljadu konvertibilnih maraka) u korist Budžeta institucija Bosne i Hercegovine.
3. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, pod brojem: UP- 03-26-1-011-1/20 dana 04.03.2020. godine, Prijavu koncentracije (u daljem tekstu: Prijava) privrednog subjekta „Prointer ITSS“ d.o.o. Banja Luka, Vuka Karadžića 2, 78000 Banja Luka (u daljem tekstu: „Prointer ITSS“ ili Podnosilac prijave) kojom isti namjerava steći kontrolu nad privrednim subjektom „Sector ADS“ d.o.o. Banja Luka, Ilije Garašanina 6, 78000 Banja Luka (u daljem tekstu: „Sector ADS“ ili Ciljno društvo), kupovinom 100% vlasničkog udjela.

Podnosilac prijave je Prijavu dopunio podneskom zaprimljenim dana 03.04.2010. godine pod brojem: UP-03-26-1-011-2/20.

Po prijemu cjelokupne dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 22.04.2020. godine pod brojem: UP-03-26-11-3/20.

Podnosilac prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan teritorije Bosne i Hercegovine.

Konkurencijsko vijeće je uvidom u dostavljenu dokumentaciju utvrdilo da je prijava podnesena u smislu člana 16. stav (1) Zakona.

1. Učesnici koncentracije

Učesnici predmete koncentracije su privredni subjekti „Printer ITSS“ d.o.o. Banja Luka, Vuka Karadžića 2, 78000 Banja Luka i „Sector ADS“ d.o.o. Banja Luka, Ilije Garašanina 6, 78000 Banja Luka.

1.1. Privredni subjekt „Printer ITSS“ d.o.o. Banja Luka

Privredni subjekt „Printer ITSS“ d.o.o. Banja Luka, Vuka Karadžića 2, 78000 Banja Luka, registrovan je u sudskom registru Okružnog privrednog suda u Banja Luci pod matičnim brojem subjekta upisa MBS: 57-01-0142-15).

Pretežna registrovana djelatnost Podnosioca prijave je trgovina na veliko, računarima, perifernom opremom i softverima (šifra djelatnosti: 46.51).

Većinski vlasnik privrednog subjekta „Printer ITSS“ je fizičko lice (..)**¹ sa (..)** % vlasničkog udjela u istom.

Privredni subjekt „Printer ITSS“ je vlasnik privrednog subjekta „POINTER ITSS“ d.o.o. Sarajevo, Vrbanja 1, 71000 Sarajevo.

Privredni subjekt „Printer ITSS“ prema navodima Podnosioca prijave, ne djeluje na relevantnom tržištu.

1.2. Privredni subjekt „Sector ADS“ d.o.o. Banja Luka

Privredni subjekt „Sector ADS“ d.o.o. Banja Luka, Ilije Garašanina 6, 78000 Banja Luka, registrovan je u sudskom registru Okružnog privrednog suda u Banja Luci pod matičnim brojem subjekta upisa MBS: 71-01-0025-10.

Privredni subjekt „Sector ADS“ je u vlasništvu fizičkih lica, kako slijedi:

1. (..)**
2. (..)**
3. (..)**
4. (..)**
5. (..)**.

Pretežna registrovana djelatnost privrednog subjekta „Sector ADS“ su ostale uslužne djelatnosti u vezi sa informacijskom tehnologijom i računarima, što se posebno odnosi na upravljanje dokumentacijom i zaštitom iste (šifra djelatnosti 62.09).

2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10) i Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH, broj 34/10).

¹ (..)** - podaci predstavljaju poslovnu tajnu

3. Pravni osnov i oblik predmetne koncentracije

Kao pravni osnov ove koncentracije Podnosilac prijave, u smislu odredbi člana 30. stav (1) tačka a) Zakona i člana 9. tačka f) alineja 6. Odluke o načinu podnošenja prijave i kriterijumima za ocjenu koncentracija privrednih subjekata je dostavio Ugovor o kupoprodaji i prenosu udjela i osnivačkih prava, zaključen dana 28.02.2020. godine između privrednog subjekta „Prointer ITSS“ kao kupca i fizičkih lica, vlasnika privrednog subjekta „Sector ADS“, kao prodavca.

U toku pripreme naprijed navedenog Ugovora, privredni subjekt „Sector ADS“ je zajedničkom ponudom osnivača od 30.01.2020.godine izrazilo spremnost da proda cjelokupne udjele u obimu od (..)** % u društvu, dok je „PROINTER ITSS“ odgovorom na pismo namjere od 31.01.2020. godine prihvatilo ponudu privrednog subjekta „Sector ADS“.

Nakon provođenja koncentracije, Podnosilac prijave ne očekuje da nastupi značajnija promjena na relevantnom tržištu, niti do stvaranja dominantnog položaja istog.

Slijedom navedenog, pravni oblik predmetne koncentracije će biti sticanje kontrole dva privredna subjekta nad drugim privrednim subjektom, u skladu sa članom 12. stav (1) tačka b) Zakona.

4. Relevantno tržište

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuju od uslova tržišne konkurencije na susjednim geografskim tržištima.

Privredni subjekt „Sector ADS“ djeluje na tržištu upravljanja dokumentacijom i zaštitom iste, koristeći savremene informacione tehnologije.

U nastavku teksta je grafikon koji pokazuje prosjek prihoda u protekle 3 godine (2016, 2017 i 2018), preduzeća koje pružaju iste ili slične usluge.

Iz priloženog grafikona uočljivo je da je prosječna vrijednost ukupno ostvarenih prihoda za 3 godine (2016, 2017 i 2018) 9.948.834,00KM. U tom iznosu, učešće „Sector ADS“ je (..)** ili (..)**%.

Kao tržišna konkurencija u BiH Podnosilac prijave izdvaja šest preduzeća koji su najveći konkurenti, a postoje još nekoliko manjih preduzeća koji se bave istom djelatnošću:

Tabela 1.

Red. Br.	Naziv	Pretežna djelatnost	Prosjeak prihoda, 2016, 2017. i 2018. godine
1.	Mikrografija doo Sarajevo	63.11	(..)**
2.	Mikrocop doo Sarajevo	62.09	(..)**
3.	CloudIT doo Sarajevo	62.02	(..)**
4.	Planet Soft Banja Luka	58.29	(..)**
5.	New Concept Banja Luka	62.03	(..)**
6.	Sector ADS Banja Luka	62.09	(..)**

Udio privrednog subjekta „Sector ADS“ na ukupnom tržištu u BiH za usluge digitalizacije, mikrofimovanja, sređivanja arhivske i dokumentarne (registraturne) građe, čuvanja dokumentacije i dezintegracije je (..)**% (prosjeak 3 godine)

Udio poslova Ciljnog društva, prema podacima iz Prijave, koji su dobijeni putem javnih nabavki na ukupnom tržištu u BiH za djelatnost 62.09 – IT & računari je (..)** KM, što predstavlja (..)**% ukupnog prosječnog prihoda preduzeća ((..)**prosjeak za 3 godine). U pitanju su usluge vezano za digitalizaciju i upravljanje dokumentacijom.

Privredni subjekt „Prointer ITSS“ prema navodima Podnosioca prijave, ne djeluje na tržištu na kojem djeluje Ciljno društvo.

Relevantno geografsko tržište na kojem djeluje Ciljno društvo obuhvata cjelokupnu teritoriju Bosne i Hercegovine.

5. Ocjena prijave koncentracije

Obaveza prijave koncentracije privrednih subjekata, u smislu člana 14. stav (1) tačka b) Zakona, postoji ako ukupni godišnji prihod svakog od najmanje dva privredna subjekta učesnika koncentracije ostvarena prodajom roba i/ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi učesnika koncentracije i njihovih povezanih privrednih subjekata, na dan 31.12.2019. godine iznosio je:

Ukupni godišnji prihodi privrednih subjekata učesnika koncentracije 31.12.2019. godine:

Tabela 2.

Red br.	Naziv privrednog subjekta	Ukupan prihod na tržištu BiH /KM	Ukupan prihod na svjetskom nivou/KM
1.	„Prointer ITSS“	(..)**	(..)**
4.	„Sector ADS“	(..)**	(..)**

Godišnji prihod učesnika koncentracije predstavlja ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine) u smislu člana 9. tačka h) Odluke o načinu podnošenja prijave i kriterijumima za ocjenu koncentracija privrednih subjekata.

Prema podacima iz Prijave (Tabela 2.) učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona.

Također, učesnici koncentracije nisu ispunili uslov iz člana 14. stav (1) tačka b) u pogledu tržišnog udjela, obzirom da Podnosilac prijave ne djeluje na relevantnom tržištu na kojem djeluje Ciljno društvo.

Na osnovu naprijed navedenog, utvrđeno je da Podnosilac prijave nije bio obavezan podnijeti prijavu koncentracije u smislu člana 14. Zakona, te je odlučeno kao u dispozitivu.

6. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06, 18/11 i 75/18) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednica

mr. Arijana Regoda - Dražić